

## ISI KANDUNGAN

### ABSTRAK

Tentera Darat Malaysia ketika ini sedang mengambil langkah untuk mengecilkan kekuatan Angkatan Tetapnya dari 100,000 anggota (mengikut perjawatan) kepada 80,000 anggota. Ini tidak bermakna kerajaan tidak prihatin akan kepentingan sumber tenaga manusia dalam mempertahankan negara. Bagi mengimbangi pengecilan ini Angkatan Tentera Malaysia telah merangka rancangan untuk menggunakan Angkatan Simpanan(Askar Wataniah) bagi menampung/menambah besar Angkatan Tetap sekiranya diperlukan di dalam suasana peperangan atau untuk mempertahankan negara('total defence'). Strategi ini akan membolehkan negara mempunyai kekuatan anggota sukarela yang cukup dan terlatih serta bersedia untuk melaksanakan tugas-tugas sebagai anggota Angkatan Tetap pada ketika ianya diperlukan. Konsep ini telah mula dilaksanakan semasa era darurat dimana negara menghadapi ancaman daripada penganas komunis. Sejak strategi ini dirangka, Tentera Darat tidak pernah dapat mencapai kadar nisbah 3 orang anggota sukarela bersamaan seorang anggota Angkatan Tetap.

Kajian yang lepas telah mendapati insentif dan dorongan yang dilaksanakan oleh kerajaan masih tidak mencukupi bagi menarik orang awam untuk berkhidmat secara sukarela demi untuk mempertahankan Negara berbanding dengan keutamaan mereka di dalam bidang ekonomi.

Kertaskerja ini juga mencadangkan skala pengukuran yang baru yang boleh digunapakai oleh Tentera Darat dan juga pihak Kerajaan bagi mengatasi masalah yang wujud. Adalah diharapkan Kertaskerja ini akan menjadi pemangkin kepada kajian yang lebih baik pada masa akan datang supaya Tentera Darat Malaysia boleh bergantung harap kepada Angkatan Sukarela bagi menambahbesarkan Angkatan Tetap pada masa ianya diperlukan.